



Del estatut, o ordinatio per lo molt alt è excellèt lo senyor Rey en Marti, à rafrenar los contraris qui ab color del Offici de la Inquisitio vexauen los Auengelitzants, è Preyncants la Puritat de la Sacratissima Conceptio de nuestra Dona.



MARTINVS Dei gratia Rex Aragonum, Valentia, Maioricarū, Sardinia, & Corcice, Comesq; Barchinona, Rossionis, & Ceritania. Nobilibus dilectis, & fidelibus vniuersis & singulis officialibus nostris vbilibet constitutis presentibus, & futuris, eorumq; loca tenentibus, ad quos presentes peruenerint, salutem, & dilectionem. Meminimus pridem cum quadā charta nostro sigillo appenditio insignita, data Cæsaraugustæ decima-septima die Ianuarij, anno à Natiuitate Domini millesimo trecentesimo nonagesimo octauo, Regniq; nostri tertio inhaesisse firmiter veracissimæ opinionioni, quam habuit illustris Ioannes Rex Aragonum frater noster memoratæ celebris; hoc est, quod gloriosissimæ Virginis & Matris Mariæ Beata Conceptio fuit ab omni labe peccati originalis exempta: quam quidem opinionem dictus frater noster Illustris cum quodam edicto suo secreto sigillo munito, dato Valentia quartadecima die Martij anno à Natiuitate Domini millesimo trecentesimo nonagesimo quarto, quo inter cætera cauetur, quod nullus ex Euangelizantibus, seu prædicantibus verbum Dei quidquam exponere, vel proferre auderet in aliquam puritatis ipsius benedictæ Conceptionis iacturam, fecit dum vivebat, solemniter tuis elegantibus publicari, reminiscimus inquam, nos cum charta nostra prædicta prouidisse, statuisse, voluisse, & etiam inhiuisse, firmiter & districtè ne à modo quispiam religiosus, seu clericus, vel alia quæuis persona cuiusuis status, seu conditionis existeret, auderet, vel præsumeret dictique fratris nostri, ac nostram opinionem huiusmodi prædicando, disputando, aut aliàs impugnare, arguere, seu quomolibet

A-44-113 (5)

17930026

R. 13425

7



Del estatut, o ordinatio per lo molt alt è excellèt lo senyor Rey en Marti, à rafrenar los contraris qui ab color del Offici de la Inquisitio vexauen los Auengelitzants, è Preyncants la Puritat de la Sacratissima Conceptio de nuestra Dona.



MARTINVS Dei gratia Rex Aragonum, Valentia, Maioricarū, Sardinia, & Corcice, Comesq; Barchinona, Rossionis, & Ceritania. Nobilibus dilectis, & fidelibus vniuersis & singulis officialibus nostris vbilibet constitutis presentibus, & futuris, eorumq; loca tenentibus, ad quos præsentibus peruenierint, salutem, & dilectionem. Meminimus pridem cum quadã charta nostro sigillo appenditio insignita, data Casaraugustæ decima-septima die Ianuarij, anno à Natiuitate Domini millesimo trecentesimo nonagesimo octauo, Regniq; nostri tertio inhæsisse firmiter veracissimæ opinioni, quam habuit illustris Ioannes Rex Aragonum frater noster memorie celebris; hoc est, quod gloriosissimæ Virginis & Martis Mariæ Beata Conceptio fuit ab omni labe peccati originalis exempta: quam quidem opinionem dictus frater noster Illustris cum quodam edicto suo secreto sigillo munito, dato Valentia quartadecima die Martij anno à Natiuitate Domini millesimo trecentesimo nonagesimo quarto, quo inter cætera cauetur, quod nullus ex Euangelizantibus, seu prædicantibus verbum Dei quidquam exponere, vel proferre auderet in aliquam puritatis ipsius benedictæ Conceptionis iacturam, fecit dum vivebat, solemniter vobis elegantibus publicari, reminiscimus inquam; nos eum charta nostra prædicta prouidisse, statuisse, voluisse, & etiam inhiuisse, firmiter & districtè non à modo quispian religio-sus, seu clericus, vel alia quavis persona cuiusvis status, seu conditionis existeret, auderet, vel præsumeret dictique fratris nostri, ac nostram opinionem huiusmodi prædicando, disputando, aut aliàs impugnare, arguere, seu quomolibet

dolibet improbare, & minus asserere, dicere vè illam esse damnatam, erroneam, indeuotam, seu in aliquo reprobata, sub certatum pœnarum incurfu in charta nostra dicta proximè contentarum: nunc autem quia nostrum nouiter (quod displicenter referimus) pulsauit auditum, nonnulli spiritu præsumptionis circumdati, nõ sine euidenti periculo personarum suarum, & grandi scandalo religionis, cuius se fore fatentur, conantur continue, ac præsumunt astute, & sub verborum inuolucro, nedũ prædicare tam directe quã indirecte, & duplicibus eruotationibus eorũ opinionum falsissimam, verum etiam arguere, reprehendere, & vt famelici, & rabidicane mordere alios, qui veram opinionem nostram iam dictam tueri conantur: illis præsertim diebus, quibus nouerunt eosdem in ipsius Virginis decus hæc verissimã opinionem imprimere, cordibus fidem colentium orthodoxam, & quod perniciosus est, illos inquietare, ac prosequi in iudicio, & extra, ac eius hæresis crimen impingere, qui satagentes cum dictis sanctorum Patrum, & Doctorum Ecclesiæ dictam veracem opinionem probare quandoque confirmant, eandem cum ethnicis, quandoque cum alijs infidelibus (cum fas sit ab hoste doceri) quandoque cum Philosophis, & Poetis, & demum cum persuasuis eloquijs, & probabilibus argumentis allegantes, quod in eorum dictis, & probationibus, quas in sensum deducunt contrarium, quamquam de principali non curent, à fidei Catholicæ tramite deuiarunt. Volentes huic morbo pestifero debitam adhibere medelã, & occurrere imminentibus scandalis quæ parantur, statuimus, & ordinamus, & volumus, ac vobis mandamus, etiam cum præsentibus, quod edictum, de quo supra fit mentio, factum per dictum fratrem nostrum, nec non & prouisio, statutum & inhibitio facta per nos super his, vt superius continetur, per vos, & quascumque personas cuiusuis status, præminentia, seu dignitatis existant, de cætero irrefragabiliter obseruentur: statuimus etiam, ordinamus, & volumus, pro prædictorũ firmitate maiori, quod omnes, & singuli cuiusuis status, & conditionis existant, prædicantes, seu pertinaciter obloquentes cõtra edictum huiusmodi pro inimicis nostris, publicis reputentur, & pro talibus à cunctis officialibus, & nostris subditis de cætero habeantur: Quibus quidem inimicis nostris mandamus sub
pœnæ

pœnæ mortis incurfu, quatenus postquam contra edictum præfatum deliquerint, confestim infra decem dies extra ciuitatem, villam, vel locum, vbi peccauerint, & postea infra triginta dies inde continue secuturos à regnis, & terris nostris exeant sub spe ad eas nullo tempore reuertendi: quod si non fecerint, vt præfertur, per nostros officiales quoscumque ad ea complenda compelli, & cogi volumus rigide, & districte. Et ad tollendam omnem materiam occasionis, & scandali rogamus, & attentè requirimus, ac in Domino exortamur omnes & singulos Archiepiscopos, Episcopos, aliosque prælatos infra nostrum dominium vbilibet constitutos, ad quos hæc spectare modo aliquo videantur, quatenus casu quo aliquis prædicando, vel disputando, aut aliàs de materia præiacenti oberrauerit, taliter quod inquisitio sequi debeat contra illum talem inquisitionem per dictos fratres de ordine Prædicatorum Inquisitores hæreticæ prauitatis (eo quia naturaliter soli, & singulares inimici existunt omnium & singulorum contentorum in edicto præfato, cum cæteri religiosi, imò & quæcumque scientiarum vniuersitates sint eis in hac veritate contrarij) fieri de cætero non permittant, nec tales sint iudices, nec conclusionis huiusmodi, seu aliquorum dependentium, seu emergentium ex eadem, cum sit dissonum rationi, & alienum à moribus coram suspecto iudice litigare, sed hoc fiat per dictos Archiepiscopos, & Episcopos, aut officiales ordinarios eorundem: quos iam sacri Canonis Inquisitores primarios statuerunt. Dat. Barchinonæ sub nostro sigillo secreto xxvj. die Aprilis, anno à Natiuitate Domini millesimo quadringentesimo octauo. REX MARTINVS.

Ego Didacus Garcia Illustrissimi Domini Regis scriptor, ac tenens clauis sui archiui Regij Barchinonæ præfens trãslatum à quodam Registro sigillo secreti serenissimi Domini Martini bonæ memoriæ Regis Aragonum sumpsit, seu scribi feci, & cum eodem legaliter comprobauit, & vt fides plenior impendatur, hæc mea manu scripsi in testimonium præmissorum.

Ex libro literarum Regiarum ab anno millesimo quadringentesimo octauo, vsque ad annum millesimũ quadringentesimum nonũ in Regio archiui Maioricarum custodito, sumpta fuit fideliter, & abstracta huiusmodi copia in
his

his duobus papyri folijs (præsenti incluso) contenta, aliena manu (fida tamen) exarata, & ad verbum (vt iacet) comprobata, in cuius rei testimonium, Ego Matthæus Neboe Notarius publicus militaris, domini nostri Regis alumnus Regis & patrimonialis archiuarius præsentibus me subscripsi Regio Maiori. eiusdem archiui Regij (penes me custodiro) stillato sigillo munitis, die vero septima mensis Aprilis anno à Natiuitate Domini millesimo sexcentesimo decimo sexto, vt infra.

Constito de supraposito in subscriptione, ubi legitur, Regius, & patrimonialis Archiuarius.

Matthæus Neboe Archiuarius predictus.